

Na osnovu člana 31., a u vezi s članom 43. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07 i 87/09), Komisija za vanjsku trgovinu i carine Parlamentarne skupštine Bosne i Hercegovine, na 41. sjednici održanoj 26. januara 2010. godine, u s v o j i l a j e

IZVJEŠTAJ O RADU KOMISIJE ZA VANJSKU TRGOVINU I CARINE za 2009. godinu

Uvodne napomene

Komisija za vanjsku trgovinu i carine Predstavničkog doma Parlamentarne skupštine Bosne i Hercegovine (u daljnjem tekstu: Komisija) stalno je radno tijelo. Njena nadležnost regulirana je članom 43. Poslovnika Predstavničkog doma Parlamentarne skupštine BiH.

Na 3. sjednici Predstavničkog doma, održanoj 9.2.2007., izabrani su članovi Komisije: Snježana Rajilić, Ekrem Ajanović, Hadži Jovan Mitrović, Jozo Križanović, Slavko Jovičić, Jerko Ivanković Lijanović, Šemsudin Mehmedović, Mehmed Suljkanović i Salko Sokolović. Na konstituirajućoj sjednici Komisije, održanoj 15. 2.2007., jednoglasno su izabrani: za predsjedavajuću Komisije – Snježana Rajilić; za prvog zamjenika predsjedavajuće – Mehmed Suljkanović, i za drugog zamjenika – Jerko Ivanković Lijanović.

Snježana Rajilić, članu Komisije i predsjedavajućoj Komisije, Odlukom Centralne izborne komisije BiH, 7.11. 2008., prestao je mandat u Predstavničkom domu prihvatanjem mandata općinskog načelnika. Predstavnički dom okončao je proceduru za izbor novog člana Komisije 1.4.2009. te je, umjesto Snježane Rajilić, izabran Željko Kuzmanović. Komisija je na 27. sjednici, održanoj 19.1.2009., odlučila da Slavko Jovičić privremeno bude predsjedavajući Komisije. U međuvremenu, članu Komisije Hadži Jovanu Mitroviću pravosnažnom odlukom Centralne izborne komisije BiH 11.7.2009. prestaje mandat, a smrću Joze Križanovića 2.12.2009. Komisija ostaje bez još jednog člana. Odlukom Predstavničkog doma 7.12.2009., umjesto Hadži Jovana Mitrovića, za člana Komisije izabrana je Ljiljana Milašin.

Važno je napomenuti da je u toku 2009. godine Komisija imala osam članova, što je ponekad otežavalo zakazivanje i održavanje sjednica u određeno vrijeme zbog nedostataka kvoruma.

Sekretar Komisije je Emira Češljarić, diplomirani pravnik, a prema Odluci o organizaciji Sekretarijata Parlamentarne skupštine BiH, u Uredu Komisije od 15. maja 2008. na radnom mjestu stručnog savjetnika je Radomir Marijanović, diplomirani ekonomista. Na radnom mjestu stručnog saradnika od 1.1.2009. je Sonja Abdulovski, diplomirani pravnik, koja je bila na porodiljskom odsustvu do 1.6. 2009.

Komisija je od konstituiranja do danas radila na provođenju obaveza utvrđenih Poslovníkom, kao i obaveza koje su joj određene odlukom Kolegija Predstavničkog doma i odlukama, odnosno zaključcima koje je usvajala u okviru svoje nadležnosti.

Opći podaci o sjednicama Komisije i prisustvo sjednicama

Komisija je u 2009., tj. od 19.1. do 28.12. 2009., održala 14 sjednica. Održavanje 29. sjednice, zakazane za 2.3.2009., i 39. sjednice, zakazane za 30.11.2009., odgođeno je za 12.3. 2009. i 2.12.2009. Sjednice nisu održane zbog nedostatka kvoruma.

Prosjek trajanja sjednica Komisije bio je sat i 33 minute, a prisustvo članova sjednicama Komisije izraženo u procentima bilo je 73%.

Aktivnosti na sjednicama praćene su zapisnički. Zapisnici se, na osnovu tonskog snimka, sačinjavaju prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućom i članovima Komisije, utvrđuje se konačan tekst zapisnika i dostavlja na lektoriranje na jezike u službenoj upotrebi u BiH.

Dužnosti Komisije, organizacija rada, sazivanje sjednica, saradnja s drugim komisijama i tijelima, metod rada i osnovni zakonodavni postupak komisijske faze reguliran je odredbama Poslovnika Predstavničkog doma Parlamentarne skupštine BiH (u daljnjem tekstu: Poslovnik).

Interna organizacija i procedure

Prema planu aktivnosti Predstavničkog doma iz okvira nadležnosti Komisije, koju određuje Kolegij Predstavničkog doma (u daljnjem tekstu: Dom), predsjedavajući Komisije u saradnji sa sekretarom organizira i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionom radnom planu Doma i orijentacionom radnom planu Komisije za tekuću godinu.

Članovi Komisije također iniciraju i predlažu donošenje zakona i izmjena i dopuna zakona, na osnovu procedure utvrđene Poslovnikom.

Rezultati glasanja u Komisiji konstatiraju se zapisnički za svaku tačku dnevnog reda, kao i za prijedloge i zaključke koje Komisija usvoji.

Mišljenja i izvještaje, koje Komisija podnosi Domu, priprema sekretar Komisije u saradnji s predsjedavajućim, a prema potrebi, i ostalim članovima Komisije kada to nalažu određeni prijedlozi izmjena i dopuna zakona čiji su oni predlagači, te ako je potrebno, amandmanski se djeluje i tehnički dorađuje tekst.

Rezultati rada Komisije

Komisija je u okviru svoje nadležnosti u 2009. godini, na 14 sjednica, razmatrala ukupno 49 redovnih tačaka dnevnog reda, od toga: 10 prijedloga zakona (zakoni iste materije razmatrani su u prosjeku na dvije sjednice), jednu inicijativu poslanika za izmjenu odluke Vijeća ministara BiH; jednu inicijativu poslanika za dopunu zakona; predložila Domu sedam zaključaka u okviru razmatranih prijedloga zakona i mišljenja o informacijama koje je Dom usvojio; 10 ostalih akata i 17 tekućih pitanja u okviru kojih je usvojila 11 zaključaka i sedam raznih prijedloga u formi obavještenja; te usvojila 10 zaključaka po određenim tačkama dnevnog reda.

Komisija je razmatrala:

- 10 zakona **od kojih je:** pet usvojeno **na sjednicama oba doma i stupilo na snagu;** jedan zakon, **iako je Komisija okončala prvu komisijsku fazu,** nije usvojen na sjednici Doma; jedan zakon usvojen u oba čitanja u Domu; za tri zakona Komisija je podržala principe i nalaze se u daljnoj proceduri.

- **Prijedlog zakona o izmjenama Zakona o carinskoj tarifi BiH**, predlagač: Vijeće ministara BiH, dostavljen u parlamentarnu proceduru 22. 8. 2007. Dom je usvojio principe Zakona 15.9.2007. II zakonodavna faza nije okončana jer od Upravnog odbora Uprave za indirektno opozezivanje u BiH nije dostavljeno odobrenje o amandmanima Komisije na Zakon, koji je razmatrao Zakon s amandmanima na dvije sjednice ali je postupak umiren do 16.6.2008. nakon potpisivanja SSP-a BiH s EU. Nije dostavljena Odluka UOUIOBiH o amandmanima Komisije na predloženi tekst Zakona;
- **jednu inicijativu poslanika za izmjenu Odluke Vijeća ministara BiH;**
- **jednu dopunu zakona, predlagač: Komisija;**
- **održala četiri sastanka, i to:** s predstavnicima klubova uzgajivača i ljubitelja bosanskog bika i predstavnicima Ureda za veterinarstvo BiH; predstavnicima peradara entiteta BiH; predstavnicima Agencije za sigurnost hrane BiH; predstavnicima firme Philip Morris BH d.o.o. Sarajevo.

I. Zakonodavna aktivnost Komisije

1. **Prijedlog zakona o dopuni Zakona o carinskoj tarifi BiH**, predlagač: Vijeće ministara BiH, dostavljen u parlamentarnu proceduru 25.12. 2008, Predstavnički dom 21.1. 2009. usvojio principe Zakona; Komisija podržala principe Zakona, te dostavila pozitivno mišljenje i Izvještaj Domu s usvojenim amandmanom. Zakon je usvojen na oba doma s prijedlogom zaključka s 44. sjednice Predstavničkog doma i objavljen je u „Službenom glasniku BiH“, broj 35/09.
2. **Prijedlog zakona o izmjeni i dopunama Zakona o osnivanju Izvozno- kreditne agencije BiH**, predlagač: Vijeće ministara BiH, dostavljen je u parlamentarnu proceduru 10.2.2009. Komisija je većinom glasova podržala principe Prijedloga zakona. Zakon u prvom čitanju nije usvojen na 48. sjednici Doma.
3. **Prijedlog zakona o izmjenama i dopunama Zakona o konkurenciji**, predlagač: Vijeće ministara BiH, dostavljen je u parlamentarnu proceduru 29.4.2009. Komisija je jednoglasno podržala principe Zakona, te dostavila pozitivno mišljenje i Izvještaj Domu sa usvojenim amandmanima. Zakon je usvojen u oba doma i objavljen je u „Službenom glasniku BiH“, broj 80/09.
4. **Prijedlog zakona o slobodnim zonama u BiH**, predlagač: Vijeće ministara BiH, dostavljen je u parlamentarnu proceduru 23.7.2009. Komisija je podržala principe Zakona, te dostavila pozitivno mišljenje i Izvještaj Domu sa usvojenim amandmanima. Zakon je usvojen u oba doma i objavljen je u „Službenom glasniku BiH“, broj 99/09.
5. **Prijedlog zakona o općoj sigurnosti proizvoda**, predlagač: Vijeće ministara BiH, dostavljen je u parlamentarnu proceduru 2.7.2009. Komisija je jednoglasno podržala principe Zakona, te dostavila pozitivno mišljenje i Izvještaj Domu bez amandmana. Zakon je usvojen u oba doma i objavljen je u „Službenom glasniku BiH“, broj 102/09.
6. **Prijedlog zakona o izmjenama i dopunama zakona o nadzoru nad tržištem**, predlagač: Vijeće ministara BiH, dostavljen je u parlamentarnu proceduru 2.7.2009.

Komisija je jednoglasno podržala principe Zakona, te dostavila pozitivno mišljenje i Izvještaj Domu bez amandmana.

Zakon je usvojen u oba doma i objavljen je u „Službenom glasniku BiH“, broj 102/09.

7. **Prijedlog zakona o duhanu BiH**, predlagač: Vijeće ministara BiH, dostavljen je u parlamentarnu proceduru 2.7.2009. Komisija je jednoglasno podržala principe Zakona te dostavila pozitivno mišljenje i Izvještaj Domu sa usvojenim amandmanima. Dom je usvojio Zakon u prvom čitanju 4.11.2009. i u drugom čitanju 7.12. Dom naroda je u prvom čitanju usvojio 13.11.2009. Produžena je amandmanska faza.
8. **Prijedlog zakona o izmjenama i dopunama zakona o carinskoj tarifi BiH**, predlagač: Vijeće ministara BiH, realizacija Zaključka s 48. sjednice Doma, dostavljen je u parlamentarnu proceduru 17.11.2009. Komisija je jednoglasno podržala principe Prijedloga zakona i dostavila mišljenje Domu 2.12.2009.
9. **Prijedlog zakona o zaštiti novih sorti bilja u BiH**, predlagač: Vijeće ministara BiH, dostavljen je u parlamentarnu proceduru 9.12.2009. Komisija je jednoglasno podržala principe Prijedloga zakona i dostavila mišljenje Domu 28.12.2009.
10. **Prijedlog zakona o izmjenama i dopunama Zakona o politici direktnih stranih ulaganja u BiH**, predlagač: Vijeće ministara BiH, dostavljen je u parlamentarnu proceduru 9.12.2009. Komisija je jednoglasno podržala principe Prijedloga zakona i dostavila mišljenje Domu 28.12.2009.

II. Aktivnosti vezane za razmatranje i usvajanje ostalih akata

Komisija je na 27. sjednici razmatrala i usvojila **Izvještaj o radu Komisije za 2008. godinu** i utvrdila **Orijentacioni radni plan za 2009. godinu** i dostavila Kolegiju Predstavničkog doma Parlamentarne skupštine BiH. Usvojeni su na 50. sjednici Predstavničkog doma, održanoj 1. aprila 2009.

Komisija je na 28. sjednici razmatrala **Izvještaj o realizaciji Akcionog plana za provođenje programa mjera u okviru CEFTA-e s analizom vanjskotrgovinske razmjene za 2008.godinu**. Na osnovu zaključka s 32. sjednice Doma, zaduženo je Vijeće ministara BiH da, u saradnji s nadležnim institucijama, pripremi dodatne mjere s ciljem poboljšanja konkurentnosti kompletne bh. privrede.

Komisija je na 29. i 30. sjednici razmatrala **Izvještaj o radu MVTEOBiH za 2008. godinu** sadržan u Izvještaju o radu Vijeća ministara BiH za 2008. Komisija nije prihvatila Izvještaj iz četiri razloga navedena u obrazloženju.

a) vanjskotrgovinski deficit Bosne i Hercegovine je i dalje u porastu i pored prijedloga mjera za njegovo smanjenje, a Ministarstvo ne čini ništa da bi se smanjio;

b) predložene mjere o zaštiti domaće proizvodnje iz Akcionog plana za provođenje programa mjera u okviru CEFTA sporazuma se ne realiziraju;

c) sporost u usaglašavanju zakonskih projekata i nedonošenje podzakonskih akata;

d) vodi se veoma malo računa o mjerama zaštite poljoprivredne proizvodnje, koja je jedan od bitnih elemenata ekonomskog razvoja Bosne i Hercegovine.

Komisija je na 30. sjednici razmatrala **Informaciju s prijedlogom zaljučaka predlagača Martina Raguža**, poslanika u Predstavničkom domu, s dobivenom informacijom MVTEO

BiH o poplavama u Popovom polju, rijeci Krupi i na području Hutovog blata, te usvojila sljedeće zaključke:

a) zadužuje se Vijeće ministara BiH da, u saradnji s entitetskim ministarstvima, uspostavi funkciju na nivou Bosne i Hercegovine koja će biti nadležna za rješavanje upravljanja sistemom voda;

b) upravljanje slivovima rijeka Trebišnjice i Neretve treba da bude u skladu s okvirnim direktivama o vodama Evropske unije;

c) Ministarstvo vanjske trgovine i ekonomskih odnosa BiH treba da podstakne realizaciju Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš – Projekat upravljanja Neretvom i Trebišnjicom;

d) da se, prilikom izrade Zakona o vodama u BiH, regulira uspostavljanje regulatorne nadležnosti u upravljanju sistemom voda na nivou Bosne i Hercegovine.

Komisija je na 31. sjednici, realizirajući zaključak Doma s 50. sjednice, od 1.4. 2009., povodom navedene informacije odredila delegaciju za obilazak terena (realiziran 11.5.2009.) s ciljem izrade konačnog mišljenja o Informaciji za sjednicu Doma.

Komisija je na 33. sjednici utvrdila konačan tekst Mišljenja za navedenu informaciju s prijedlogom zaključaka u šest tačaka koje je Dom na 57. sjednici, 8.7. 2009., uz određene korekcije, usvojio i dostavio u daljnu proceduru.

Komisija je, također na 31. sjednici, razmatrala i prihvatila **Izveštaj o radu UO Izvozno-kreditne agencije BiH za 2008.godini**, dostavljen 1.4.2009. Parlamentarnoj skupštini BiH. Komisija je jednoglasno prihvatila izvještaj i dala pozitivno mišljenje. Predstavnički dom na 52. sjednici, 29.4.2009., a Dom naroda na 29. sjednici, 20.5.2009., usvojili su Izvještaj.

Komisija je razmatrala i prihvatila **inicijativu** s jednim zaključkom **za izmjenu Odluke Vijeća ministara BiH o ograničenju uvoza putničkih automobila, teretnih vozila i automobilskih guma**, od 14.aprila 2009., predlagača-poslanika Adema Huskića i Šemsudina Mehmedovića. Komisija je podržala inicijativu i zaključila da se zaduži Vijeće ministara BiH (nadležna ministarstva) da, u saradnji s entitetskim vladama, ubrzaju donošenje propisa za reguliranje tehničko-industrijske oblasti u BiH kako bi se olakšalo poslovanje domaćim proizvođačima i nadzor nad tržištem. Inicijativa i zaključak na navedenu Odluku usvojeni su na 52. sjednici Predstavničkog doma 29. aprila 2009.

Na 32. sjednici, realizirajući zaključak sa 31. sjednice, a povodom razgovora s predstavnicima peradara iz entiteta, razmatran je Prijedlog mjera za pomoć peradarima BiH koji je sačinilo MVTEO u saradnji s predstavnicima proizvođača i prerađivača. Komisija je jednoglasno podržala Prijedlog mjera i za k l j u č i l a da:

1. Ministarstvo vanjske trgovine i ekonomskih odnosa BiH, odnosno Sektor za poljoprivredu prati provođenje predloženih mjera;

2. na osnovu člana 25. Zakona o poljoprivredi, ishrani i ruralnom razvoju Bosne i Hercegovine („Službeni glasnik BiH“, br. 50/08, koji je stupio na snagu 1. jula 2008.), MVTEO posreduje kod nadležnih organa entiteta i Brčko Distrikta BiH da usklade svoje propise u sektoru poljoprivrede, ishrane i ruralnog razvoja. Rok za njihovo usklađivanje je godina dana od dana stupanja na snagu navedenog zakona, što do sada nije učinjeno;

3. nakon što Vijeće ministara BiH, na osnovu člana 23. stav (2), a u vezi s članom 23. stav (5) navedenog zakona, dostavi Parlamentarnoj skupštini BiH godišnji Izvještaj MVTEO o stanju u sektoru poljoprivrede, ishrane i ruralnog razvoja BiH, Komisija za

vanjsku trgovinu i carine ponovo će razmatrati realizaciju zaključaka u pravcu predloženih mjera.

Također, Komisija je razmatrala:

„Analizu politika u oblasti poljoprivrede, ishrane i ruralnog razvoja BiH s prijedlogom mjera“ MVTEO, upućenu Komisiji 1.10.2009. (realizacija zaključka 31. i 32. Sjednice) Na 37. sjednici Komisija je prihvatila Analizu s Prijedlogom mjera i zaključila da zaduži Vijeće ministara BiH da razmotri Analizu i dodatno precizira nosioce realizacije pojedinih mjera s precizno utvrđenim rokovima.

Na 35. sjednici Komisija je razmatrala i usvojila **Izveštaj iz oblasti poljoprivrede za BiH za 2008.** MVTEO BiH, upućen 27.7.2009. Parlamentarnoj skupštini BiH na usvajanje. Komisija je dala pozitivno mišljenje Domu.

Dom je na 61. sjednici, 30. 9. 2009., razmotrio Mišljenje Komisije i usvojio zaključak kojim je zadužio Vijeće ministara BiH da u roku od 60 dana izradi mjere za poboljšanje stanja u poljoprivredi, a posebno mjere koje će povećati pokrivenost uvoza-izvozom poljoprivrednih proizvoda.

Na 37. sjednici Komisija je prihvatila inicijativu Mehmeda Suljkanovića za dopunu Zakona o sistemu indirektnog oporezivanja BiH koja je na 38. sjednici pretočena u inicijativu Komisije za Prijedlog zakona o dopuni Zakona, predloženo da se razmatra po članu 126. Poslovnika i dostavljena 18.11.2009. predsjedavajućem Doma na daljnje postupanje.

III. Ostale aktivnosti Komisije

- Komisija je na osnovu upućenih predstavlki i zahtjeva održala četiri sastanka i to:
- Na osnovu predstavke upućene e-mailom Komisiji radi podrške u pravcu hitnog donošenja podzakonskih akata kojima će biti dozvoljeno održavanje tradicionalnih bosanskih korida, Komisija je održala 7. maja 2009. sastanak s predstavnicima klubova uzgajivača i ljubitelja bosanskog bika i predstavnicima Ureda za veterinarstvo BiH. Učesnicima sastanka i u dogovoru s Uredom za veterinarstvo data je pravna pouka i instrukcija.
- Na osnovu predstavke „BROVIS“ d.o.o. Viskoko, upućene Komisiji s ciljem zaštite domaće proizvodnje i preduzimanja odgovarajućih mjera kod sprečavanja uvoza robe sumnjivog kvaliteta, s predstavnicima peradara entiteta BiH i MVTEO BiH održan je sastanak 2009. Zaključeno je da MVTEO u roku sedam dana dostavi prijedlog mjera na osnovu zahtjeva iz predstavke. Ministarstvo je sačinilo Prijedlog mjera i Komisija je na 32. sjednici razmatrala i jednoglasno podržala i usvojila tri zaključka.
- Komisija je, na osnovu podržanog prijedloga Salka Sokolovića, člana Komisija održala sastanak 23.9. 2009. s predstavnicima Agencije za sigurnost hrane BiH i Uredom za veterinarstvo BiH. Cilj sastanka bio je upoznavanje s teškoćama i problemima s kojima se Agencija susreće, te posredovanje Komisije kod Vijeća ministara BiH za usvajanje podzakonskih akata koji se već nalaze u proceduri kod UO Agencije. Komisija se, 6.10.2009., obratila Vijeću ministara BiH s prijedlogom za preduzimanje odgovarajućih mjera kod UO da u najkraćem roku odobri i Vijeću ministara BiH dostavi određene pravilnike u daljnju proceduru. Prema obavještenju u međuvremenu zamolnica Komisije je realizirana.
- Na osnovu predstavke firme „Philip Morris BH“ d.o.o. Sarajevo u vezi s razmatranjem Prijedloga zakona o duhanu BiH, s predstavnicima firme održan je sastanak 2.11.2009. na kojem su date određene sugestije na odredbu člana 32. i 35. predloženog teksta Zakona s ciljem njihovih izmjena. Učesnici sastanka proceduralno su upoznati o načinu izmjene ili dopune predloženog teksta određenih odredbi zakona.

- Komisija je na osnovu upućenih predstavlki i zahtjeva održala četiri sastanka i to:
- Na osnovu predstavke upućene e-mailom Komisiji radi podrške u pravcu hitnog donošenja podzakonskih akata kojima će biti dozvoljeno održavanje tradicionalnih bosanskih korida, Komisija je održala 7. maja 2009. sastanak s predstavnicima klubova uzgajivača i ljubitelja bosanskog bika i predstavnicima Ureda za veterinarstvo BiH. Učesnicima sastanka i u dogovoru s Uredom za veterinarstvo data je pravna pouka i instrukcija.
- Na osnovu predstavke „BROVIS“ d.o.o. Viskoko, upućene Komisiji s ciljem zaštite domaće proizvodnje i preduzimanja odgovarajućih mjera kod sprečavanja uvoza robe sumnjivog kvaliteta, s predstavnicima peradara entiteta BiH i MVTEOBiH održan je sastanak 2009. Zaključeno je da MVTEO u roku sedam dana dostavi prijedlog mjera na osnovu zahtjeva iz predstavke. Ministarstvo je sačinilo Prijedlog mjera i Komisija je na 32. sjednici razmatrala i jednoglasno podržala i usvojila tri zaključka.
- Komisija je, na osnovu podržanog prijedloga Salka Sokolovića, člana Komisija održala sastanak 23.9. 2009. s predstavnicima Agencije za sigurnost hrane BiH i Uredom za veterinarstvo BiH. Cilj sastanka bio je upoznavanje s teškoćama i problemima s kojima se Agencija susreće, te posredovanje Komisije kod Vijeća ministara BiH za usvajanje podzakonskih akata koji se već nalaze u proceduri kod UO Agencije. Komisija se, 6.10.2009., obratila Vijeću ministara BiH s prijedlogom za preduzimanje odgovarajućih mjera kod UO da u najkraćem roku odobri i Vijeću ministara BiH dostavi određene pravilnike u daljnju proceduru. Prema obavještenju u međuvremenu zamolnica Komisije je realizirana.
- Na osnovu predstavke firme „Philip Morris BH“ d.o.o. Sarajevo u vezi s razmatranjem Prijedloga zakona o duhanu BiH, s predstavnicima firme održan je sastanak 2.11.2009. na kojem su date određene sugestije na odredbu člana 32. i 35. predloženog teksta Zakona s ciljem njihovih izmjena. Učesnici sastanka proceduralno su upoznati o načinu izmjene ili dopune predloženog teksta određenih odredbi zakona.

IV. Međuparlamentarna saradnja Komisije

U toku 2009. godine Komisija nije imala međuparlamentarne saradnje i međunarodnih aktivnosti.

V. Opća procjena i sugestije

Na osnovu navedenih aktivnosti, može se zaključiti da je Komisija u domenu zakonodavne i ostalih aktivnosti gotovo u potpunosti realizirala postavljene zadatke.

Komisija je posebno saradivala s Komisijom za vanjsku i trgovinsku politiku, carine, saobraćaj i komunikacije Doma naroda i Ustavnom pravnom komisijom Predstavničkog doma radi obavljanja redovnih poslova iz svoje nadležnosti.

Sve prijedloge zakona, kao i prijedloge izmjena i dopuna zakona Komisija je razmatrala dva i više puta, uglavnom iz opravdanih razloga koji su navedeni u zapisnicima, a to se odnosilo na dobivanje dodatnih objašnjenja na amandmane, neblagovremeno dostavljanje traženih izvještaja i mišljenja resornog ministarstva i UIOBiH.

Također, saradivala je: s predstavnicima izvršne vlasti, tj. predlagača i obrađivača prijedloga zakona, konkretno MVTEO i UIO BiH koji su, po potrebi, davali dodatna pojašnjenja amandmana na prijedloge zakona te kod izrade Prijedloga zakona o duhanu i Zakona o akcizama u BiH. Komisiji su dostavljali i određene informacije i analize koje je Komisija inicirala. Predstavnici Vijeća ministara BiH, MVTEO, VTKBiH su, po pozivu, uvijek prisustvovali sjednicama. Prijedlozi, zahtjevi i preporuke Komisije su skoro u potpunosti prihvaćeni i realizirani.

Službe Sekretarijata Parlamentarne skupštine BiH pružale su stručnu, uglavnom tehničku pomoć u radu Komisije.

Za rad Komisije početkom novembra 2008., odnosno ponovnim rasporedom u 2009. dodijeljen je i određen drugi raspored kancelarijskog prostora koji je, uz pristanak Kluba delegata srpskog naroda, zamijenjen s dvije kancelarije i to: za sekretara Komisije, te stručnog savjetnika i saradnika u Uredu Komisije, što je značajno doprinijelo poboljšanju uslova rada.

Na osnovu stečenog iskustva, posebno se preporučuje uključivanje članova Komisije u proces izrade zakonskih projekata kod izvršne vlasti kao i bolja saradnja s nadležnim ministarstvima, te državnim ali i entitetskim privrednim komorama, nevladinim organizacijama i slično.

Sastavni dio Izvještaja čini pojedinačni pregled prisutnosti članova Komisije sjednicama.

Predsjedavajući Komisije
Slavko Jovičić